

## INSTRUCCIÓN E DOCUMENTOS PARA SOLICITAR SUBVENCIONES DIRECTAS EXCEPCIONAIS PARA ASOCIACIONES E ENTIDADES

Tal e como establece a Ordenanza Xeral de Subvencións da Excelentísima Deputación Provincial de Lugo no seu artigo 2, cando, por razón da natureza da actividade a subvencionar ou das características da persoa ou entidade que haxa de executar aquela actividade, non sexa posible promover a concorrencia pública, as subvencións outorgaranse mediante resolución ou acordo motivado do órgano competente para concedelas, no que se farán constar as razóns que xustifiquen a excepción da convocatoria en réxime de concorrencia, así como a forma en que deberá ser xustificada a aplicación dos fondos recibidos.

Así mesmo, dispón o artigo 18 do mesmo texto normativo que as subvencións contempladas no artigo 2, que quedan exceptuadas do réxime de concorrencia, formalizaranse previo convenio, no seu caso, coa entidade beneficiaria, no que, obrigatoriamente, se establecerán as condicións e compromisos aplicables de conformidade co disposto na Lei Xeral de Subvencións.

Pola súa parte, o artigo 22.2.c) da Lei Xeral de Subvencións establece que se poderán conceder de forma directa, con carácter excepcional, aquelas outras subvencións en que se acrediten razóns de interese público, social, económico ou humanitario, ou outras debidamente xustificadas que dificulten a súa convocatoria pública.

Pois ben, en aras do cumprimento dos principios de celeridade, que debe presidir a tramitación de todo procedemento administrativo, e de eficacia, que constitúe un principio esencial no funcionamento das Administracións Públicas, as entidades ou asociacións que desexen solicitar subvencións directas excepcionais ante esta Deputación de Lugo deberán **observar con detemento as seguintes instrucións:**

Toda entidade ou asociación que queira solicitar a concesión de unha subvención directa de carácter excepcional ante a Deputación Provincial de Lugo deberá achegar a seguinte documentación (sen prexuízo de que, en aplicación do artigo 66.4 da Lei 39/2015, de 1 de outubro, do Procedemento Administrativo Común das Administracións Públicas, poida acompañar os elementos que estime convenientes para precisar ou completar os datos dos modelos propostos, os cales deberán ser admitidos e tidos en conta polo órgano ao que se dirixan):

- Solicitud de concesión da subvención (**Modelo solicitude subvención**).
- Autorización para o tratamento de datos de carácter persoal.
- No caso de solicitar anticipo (soamente para subvencións por importe igual o superior a 3.000 €), achegarse certificado do secretario da entidade das notorias dificultades económicas para desenvolver as actividades sen o anticipo citado (**Anexo II**).
- Certificación acreditativa da entidade do acordo de solicitude e do nomeamento do representante da entidade (**Anexo III**).
- Autorización do representante da entidade para que, de ser preciso, a Deputación de Lugo, solicite certificados de cumprimento de obrigas ca Axencia Tributaria Estatal, Facenda da Xunta de Galicia, Tesouraría Xeral da Seguridade Social e co Servizo de Recadación Provincial (**Anexo IV**).



- Declaración do representante de estar ao corrente das súas obrigas tributarias e coa Seguridade Social, de non estar incurso en prohibición para ser beneficiario segundo o establecido na Lei Xeral de Subvencións e na Lei de Subvencións de Galicia (**Anexo V**).
- Declaración de non deducir o IVE, se é o caso, e de non ser debedor por resolución de procedencia de reintegro (**Anexo VI**).
- Declaración xurada doutras obrigas (**Anexo VI.bis**).
- Desagregación do financiamento da actuación obxecto da subvención (**Anexo VII**).
- Declaración xurada doutras subvencións e patrocinios, concedidas ou solicitadas, **só de ser o caso (Anexo VII.bis)**.
- Solicitud de autorización para a subcontratación de actividades subvencionadas con terceiros (**Anexo VIII**).
- Fotocopia dos estatutos da entidade, inscritos no Rexistro de Asociacións correspondente. No caso de telos presentados con anterioridade, deberá achegar certificado do secretario da entidade de non ter producidas modificacións. (**Anexo IX**).
- Fotocopia do NIF do representante da entidade.
- Fotocopia do CIF da entidade.
- **No caso de subvencións de importe superior a 3.000 €**, certificados acreditativos de estar ao corrente das súas obrigas tributarias e fronte á Seguridade Social, expedidos pola Axencia Estatal da Administración Tributaria, Xunta de Galicia, Deputación Provincial de Lugo e Seguridade Social.
- Documento bancario no que se indique o número de conta da entidade beneficiaria e o seu CIF.
- Proxecto descritivo e valorado economicamente da actividade a subvencionar (datado e asinado). **Debe ir acompañado dunha memoria descriptiva da actividade a subvencionar na que figure, necesaria e obrigatoriamente, acreditación suficiente de orixinalidade e excepcionalidade da actividade, así coma a dificultade de acudir a outros medios de financiamento**, segundo determina a Ordenanza Xeral de Subvencións da Deputación de Lugo. **Motivar a dificultade de comparar este proxecto con outros cos que se puidese concorrer. En todo caso, acreditaranse razóns de interese público, social, económico ou humanitario da actividade a subvencionar.**
- Orzamento de ingresos e gastos da actividade (cadrado, datado e asinado). En ningún caso os ingresos poden superar aos gastos. Deberá ter en conta que, **polo menos, o 5% do proxecto subvencionado deberá ser financiado pola propia entidade beneficiaria.**
- **Para o caso de que a actividade a subvencionar sexan obras**, achegarse o compromiso da obtención das licenzas e autorizacións preceptivas para os efectos de cumprimento da legalidade urbanística, o respecto e protección do patrimonio histórico - artístico e do medio ambiente.

#### NOTAS A TER EN CONTA:

- En calquera caso, a porcentaxe do custo total da actividade (segundo o orzamento achegado pola entidade solicitante da subvención) que deberá ser sufragada con fondos propios da entidade beneficiaria non poderá ser inferior ao 5% de aquel importe.



- A Deputación Provincial de Lugo poderá realizar o aboamento anticipado de, como máximo, o 50% sobre o importe total subvencionado, con dispensa de garantía, cando o importe total da subvención supere os 3.000 €. Para solicitar o dito anticipo, a entidade beneficiaria deberá sinalar dita circunstancia no recadro correspondente do Anexo I, e, unha vez que se conceda a subvención e se firme o correspondente convenio, achegar, ademais dos documentos anteriormente indicados:
  - Solicitud de anticipo (**Modelo solicitud anticipo**).
  - Detalle do nivel de execución do gasto, indicativos da fase na que se atopa a realización da actuación subvencionada, que poderá ser acreditado mediante a achega de facturas ou documentos de valor probatorio no tráfico mercantil (**Modelo detalle do nivel de execución de gastos**).
  - Documentación que acredite que conta cos permisos ou autorizacións requiridas para realizar as actuacións proxectadas e que son obxecto da subvención (**so no caso de que a actividade subvencionada sexa unha obra**).
- No caso de solicitar autorización para a subcontratación de actividades subvencionadas, cando a actividade concertada con terceiros exceda do 20% do importe da subvención e dito importe sexa superior a 60.000 €, a subcontratación estará sometida ao cumprimento dos requisitos establecidos no artigo 29.3 da Lei Xeral de Subvencións.
- Cando o importe do gasto subvencionable sexa igual ou superior a 40.000 €, no caso de obras, ou igual ou superior a 15.000 €, no caso de servizos, deberanse achegar, adicionalmente:
  - Os tres orzamentos que, como mínimo, a entidade beneficiaria deberá solicitar segundo o artigo 31.3 da Lei Xeral de Subvencións.
- Para o caso de adquisición de bens inmoables, deberase achegar, adicionalmente:
  - Certificado de taxador independente debidamente acreditado e inscrito no correspondente Rexistro Oficial, a tenor do disposto no artigo 30.5 da Lei Xeral de Subvencións.
- No suposto de adquisición, construción, rehabilitación e mellora de bens inventariables (tanto para obras como para o resto do investimento), antes da concesión da subvención haberá que:
  - Acreditar a propiedade ou dereitos de uso idóneos.